

40 Agns dal Orolàt

II°

**Jo, il Sior Amelio, tra tràs e zapìns,
cjavìlis, inglòti pòlvar par 10 dîs,
tra pàcare e tantis fadîis./**

Us samearà come une litanie, chest fevelà di tancj problemas,
leàts a pinsìrs, strùssis, stràchis, dizuns (par no vè timp di pierdi!)
Dome bèvi a seglòts aghe e thè, sidràts e sudàts, doprà il cuarp
come che al fos une machine che e pues smòvi ogni cladòp o clapòn.

Savìno,

savino nò fint indulà che ‘e rive la nestre resistance ae fadìe, ae salùt,
ae fan e sèt e, il nol sintì strachèce par là a pònisi? O a slungjàsi chel tic
par vè la ànde plui lizere e stà miòr?

Dute cheste filusufie di vivi e de salùt, de tignùde di un cuarp, le ài
provàde ancje jo e no dome jo; se o pensìn a tanci, cetancj come me,
che a àn dovùt dàj fonde ae resistance dal corbàn, no crodint di fajigj
a resisti, moment par moment.

Putròp, il gno cjar amì Melio che al vè un vincj/vincjecinc agns di
plui di me, nol à rivadi adore a superàle! Franca, la sò sore,
j al disève simpri:

“Stà atent Amelio, no stà profità de tò fuarce, che e jè leàde ancje
ai toi problemàs di cùr, no stà a sfuarçàti mässe e cence pàs?”

“Il to compàgn, al ten vincj agns di manco, al è fuart, come
un ròl, ma no jè dite! - O lavoràis mässe - e tròpis oris cence
fermàsi a fladà, dome sfladà.”

“E a pensà di polsà e gjoldi un gòt di vin cuntune pagnòche cul salàm!”

“Dacordo, che tu j tu lavòris par gno cugnàt e mè sùr e lui pe so
famee, che a dèvi butà jù il “Cjiscjièl”, cussi ben metùt che a nol
vùl là jù, e nol sarès di sigur colàt, tant ben fat ch’al è fat,
dai bisàvui!” Ma làit plàn!”

Quindis dîs di permès straordinari jo, (che la mè Ministrazion, scuasi
scuasi no mi lu varès permetùt, ni paiàt! Invecit a cualchidun dal Uffici j - >

***FOTO* sotto:**

X Dopo il terremoto, Nonna Rosalia si adatta a lavare gli stracci ecct., “in tune pòdine”X



>al ven paiàt, cence fa un crìc – 500.000 – mil liris par un lambadàri,
a di un colega, che niçulantsi al si jere sclesàt!”)

E, a la me famee, che a la fò une des plui disgraciadis, par damp e altri,
fami ciertis difarencis, al limit de jnjustizie?

Di nancje passàmi chei dîs che mi spetarin di dirît, dirit e par cause dome
dal Orcolât, nuie tal mieç doveve interessà: come a tancj altris, sparîts, cence
dî – èri – al pàri dai sorestants, che a verin fats i lôr còmuts e dut benon ur lè,
di jessi paiàts ben di plui? Eh, si fasevin lis roibis seònt j sântui intai Ufìcis,
e cul “beneplàcit” di Udin.

Chestis e son veretâts di savêlis, ancje se son passâts 40 agns e in tancj,
di chei come nò – o son in pension (pòs) o sot tiere.

I miei 15 dîs di permès straordinari ai stavin par finì e i 10 dîs de strussie cul
ami Mèlio ancje; disfâte – metinle cussì – la gran biele cjase “Cjiscjièl”,
de mè Vieile,

mitùts tal ort di ognun la so part di tràs e lens, cjavîlis, maçûi e palanchîns,
par parà fûr dai tràs i clàuts e travêts, la pàcare al à vè finît di alçà une gneule
di pòlvar e cjalîn, che a la vè lassàt un grant vuèit;

jo e il sior Mèlio si sin dàts la man e o vin gjoldût un gòt di chel bon oli
di so cùgne Zicorio tal Bàr Cumierç, dulà che si sin lassàts, lànt ognun par so
cont, contents di vè lavoràt insieme e vè finît dut cence fâsi mâl. Nus spetarin
di là a fini i nestri mistirs, in ufici o tal ort e il zardin e su pe mont.

Intant la int dal pais, cualchidune si fidàve di jentrà in cjase a fa j siei
rafaniçs e ancje a durmì, però: la grant part dal popul – grazie a la bontàt –
dai sorestants che ai dirizè il montefin, a la vè cjatàt di poia j vuès, o dentri
un cjar de Ferade – in te Rampe dai nemài - di pòlse in chei dîs; nissun gnùf
arîf, parcè che i cunfins e lis Doganis aes jerint blocàts.

Ma ai rivà ancje lis Krivàjs dai Slovens e de ex Jugoslavie, cui lôr operàris,
volontariis che ai fasè un biel siervizi. Di no dismenteà i Nestris – scuminzànt –
dai Alpîns – vint a gràt ai Todescs – po’, si sa, i nestris Soldàts – di ogni Arme –
e la maree di volontaris rivàts di ogni dontri, vignùts di dute Italie.

FOTO sotto X Tavolo della Fam. Buzzi. Baracca costruita da me e cugino Paolo requiem X



J nestris Emigrants? Ai partì di tant lontan par tornà tal lòr pais ea dà
 une màn; vignìnt di chès Nazions che si jerint stabilìts e cjàtò il lavòr:
 de Australie, Americhe dal Nord, Canadà, Argjentine, di plui dongje,
 chei de Europe.

Benvignùts e benedèts di Diu, ducj, in chei bruts moment!
 Si ju vedè ancje a Pontèibe – i “ATCO” - , chei grancj rimorcjos di metàl,
 che vegnarìn mitùts su lis nàfs a centenàrs plens di ogni articul e merci.

E po’ ancje lis baràchis, poiàdis tai puescj plui impensàts, dulà che
 naturalmentri si cjàtò un spazi avonde adalarc par fa mèti ducj i serviziis:
 aghe, lùs, acuedòt e fognis.

Tal zardin di tancj, che si jerint compràts bielzà o al moment; lis tendis
 militàrs o chès di alpiniscj.

Intant, chel 6 di Mai 1976, al stàve lant viers la fin, cun zornadis di cjàlt,
 e un scjafojàç, mai sintùt dai nestri vecjos di timp in cà.

Intal mieç, sdrindulàdis dal Orcolàt, “sciame”, lis clamarin dai Tecnicos,
 di lizèris e di fuartùtis, che ti faserin vignì il gròp tal cucl, pensànt a chel
 bielzà passàt!

Cul cjàlt a si fasè tal cìil cualchi burlàç che al puartà la nèf fin sore il
 Calvàri, e lis monts dutis sblancjàdis: sì, al durà cualchi dì, ma la coltre,
 disore la plète, si la dovè doprà, fasève frèt!”

Saràie stàde la fadie che o vin fate lavorant cun primure (che nus la
 vè sfuarçàde le scuse, che la cjase de me Vieile e jere che “podève”,
 pèndi e colà, viers il marcjepit e la strade in – Vie Rome -),

jessi un piricul public;

saraie magari che l’omp al jere masse debil e il cùr, noj la fasève plui!

Cussì, il Melio al vegnì puartàt urgjent tal ospedàl di Udin par
 salvàlu, (l’Ospedàl di Glemone al jere di distrùzi, butàlu jù, dut
 stuart e instàbil niçulàve a ogni mosse!.)

Ai àn fat il pussibil par judàlu, curàlu cun ogni mieç, ma l’Amelio no jà
 la fàte a tiràsi fùr, si è distudàt come un furminànt, biàt Amì!

X Casa Barbini.

Al termine della demolizione. Z



**Z Invece, questa foto (e si ripeterà), è alla caduta del soffitto della Casa - Castello
di Buzzi-Azzola: Signora Rosalia Z**



E' fatta!

Al vè dât dut ...

E e veve rasòn la so femine, la Franca, conche nus preàve di no
sfuarçàsi masse e che pal Melio al jere un riscjo, ma il dovèe e la
fuarce di volontàt – insieme ae peraule dade - ai soi cugnàts e jè stàde
fatàl! Biàt Melio!

Mi visi ancjemò di tancj altris, amìs – paesans – che a àn lassàt la vite,
caiù e tra un ospedàl e chel altri, dopo pòs agns ju cjatarìn ducj – no ducj –
parcè che chei che e jerint bielzà partìts, tal dopo lis dòs scòssis – Mai e
Setembar – son stàts sistemàts in altris fuèssis o cremàts tal paìs o citàts
che a vevint sielt.

S’o làvis fint a pouc timp in cà tal cimiteri di Sant Aròc, jentrànt a Pontèibe,
dòs bielìs filis di tombis us dàvint j nons dai - fù - e cetancj! par cause;
no dome da lis strùssis, ma di malans par cause di chel 6 di Mai e 15 di
Setembar 1976.

Tancj sdrondenaments e pòre, che a noj finìvint mai chei torments, puartant
pìnsìrs, malatìs e disgraciis di ogni gjenàr, pa lis famèis! Robìs provàdis e us
zùri – nol jere par fa a pueste, par scherç, fuij o altri; come chel di instupidìsi
cuntun alc di fuart, di biel a bunoris, fin soresere!.

Ancje lis Muiniis Francèsis, a Madòne di Buje!

Ancje lis Muiniis (Suore – monache), e àn fat la lòn part, di scuindòn e
simpri cu le Caritàt che ur ven da la – vieste – o tònie che vevint induès.
Saran stadis clamàdis – par tramit de Curie di Udine – parcè che, prime de
grande disgracie; vevint bielzà lis lòn Muinis, il borc di Madòne di Buje,
che, a li’son scjampàdis, o riclamadis dal lòn Istitut.

Po ben, invecit – di ce che o ài capìt – la vulè tornà in Friul a murì, savint
de so situazion. Suor Irma, che e veve j siei parincj a Glemone, e cun chè
scuse, a la puartà a dà un confuart e un jutori, par no bandonà, ni i fruts,
nì lis fameis di Buje. Nou di famee lis vin cognossùdis dutis,
chestis Santis Muiniùtis.

*

Z Come avevo accennato – il ripetersi di questa foto – .

Più volte per ricordare ciò che avvenne.

A futuro ricordo.! Z



Così, resterà nella memoria della futura discendenza ...



>- (al ven indevant de pagjine n° 7, di chî sore) –

Muiniis Francèsis a Madone di Buje -

Cussì; insieme a di une altre Furlane, anzit – Cjargnele-Furlane – a la domandà ancje a me agne Muinie Massimine di Butièe, a Rome zà tal >
>an 1934, se e làve cun Je volontarie: si metarin insieme ancje altris dos amies Muinies, francèses; Sr. Julienne, e Sr. Ada: chestis dos ultumis, par jessi dutis insiemit, par tancj agns a Paris Cjase Mari dal Lòr Istitut:- in Rue PICPUS, in plen centri de citàt e, daùr dai lòr

Zardins, che larin in “Meditazion e Preiere - il Simitieri vieili dal 1700,
e chel gnùf, pront e dongje par jessi sepulides daùr cjase.

Chel Simitieri vieri de Rivoluzion;
che, cuntun cjarùc ju scjariàvint daùr lis paradànis,
par no fàiu viòdi ducj chei cence cjàf e il cuarp butàt cuissà!
Plui di dongje de Place de Nazion, la prime buse indulà che
ju rodolàvint dentri e volte par volte, taponàju,
cun cjalçine e cjere.

Sun tun pàl di fier une tabele, scrite si sa par francès e diseve:
chescj ai son muarts pe Rivoluzion Francese; gjenie di ogni ràze,
stàt sociàl, siòrs e pùars: Nobii, Ecclesiastic, Zingars, etc.,
Dute cheste part, che o vin vedèt; tra tombis, capèlis, monuments e
il rest, al jere curàt, tignùt ben, dai titolàrs dal Istitùt, come Museu.
Forsit jo o sarai làt fùr dal argument principàl che al jere chel
di fevelà dal Taramòt, vèrè?

Dai 40 Agns dal Orcolòl; mi pàr dut càs che cheste piçule note
si pues metile dentri par dà une notizie che: ancje da la France,
a son vignùdis a dànuse une man e par un periodi, apene sucedùde
la sdrondenàde, ancje cuatri Muiniùtis, par une opare,
di “Misericordie”.

Par un pòs di agns a àn patìt ancje chestis cuatri animis j l'òr problemas,
come ducj i taramotàts: us parial? A àn fat une vore di ben a Buje e tancj
lis ricuàrdin ancjemò!

Cemùt che al lèe l'Orcolàt a chei che lu àn provàt!

E, e jè une roibe dentri, ch'è pòlse (nu' samee), par dut il timp che un al vif ,
une vite.

Ches altris Muinis aes jerint ocupàdis in tancj lavòrs che no si còntin:
cusinà, lavà plàts e çitis e metarin ancje a puest dut il davòl che chei
sbalsamàts di fruts (e preà il Signòr che no si fasessin màl, ni tra di l'òr, nì
par un càs).

Doverin ancje mètisi a lavà e gambiàur: bregonuts, mudandùtis, blùses,
scarpèts e cjalçins;

simpri ducj in delamare, tra còri e rimpinàsi sui arbui dal zardin e sintilis;
l'òr fruts – dal Bonsignor Plevan – che ancje Lui al int veve une vore di

pensà, e no dome di lòr, al saveve fa e ju perdonàve!

Par gambià j bleòns e cuviertis in tes cucjètis, mitudis su in trè plàns e altùtis:
une sore chè altre; un pàr, un jetùt, sore chel altri, ma par di plui a voltis, in trè.

Cui rivàve fin lassù?

Dome la Muinie Irme e mè agne Muinie Massimine; spostant dut il
cjiscjièl, une di cà e une di la, si tiràvint cuviertis e bleòns. J cussignèi
jerint personài, che ognun ju poiàve di bessol sul so jet,
di cjàf o de bande dai pìis.

Mularie po', ma ben dreçade di che bande juste. I fruts ju metarin dongje
il box de cusine, par no daj disturbi a lis frutis, mitudis di che altre bande,
viers il box e la palade che dividève il curtìl in fons, cul casòt dal cjan
come vuardie, che al sintìve prin di ducj, cu le so vuàite, chel pocà di sot
tiere, subite, cierts moviments che la persone umane no rive a capì.

Par furtune che e jere restade sane, une sale biele largje e lungje,
denti di cjase canoniche, ea la fasève dòs funziions impuartantis:

la prime come refetòti, - se fùr al jere brut timp -.

La seconde funzion ancje chè indispensabil di sere:

– pes pùaris Muiniùtis -, al jere praticamentri tant ben cumbinàt,
come une grande cjamerade,

tirant fii e tendis par risiervà a di ognune da lis cuatri Muiniis

➤ un lòr drit al cidinòr ea la preiere - .

No us ài ancjemò fevelàt des dòs ultumis Muiniùtis: Soeur Julianne,
e Soeur Ada, par francès, parcè che la lòr marilenghe e jere che!
Vint origjin la Congregazion dai doi Cùr Sacrà di: Jesùs e Marie,
l'Istitut al fevelave denti dai siei Convents il Francès.

Chestis dòs Santis feminis ce fasevinò? Eh, aes vevint il lòr grant
dafà cun cheste canàie, che no jere triste, ma simpri cun che vòie
di zuià.

Alore ce fasìno?

Intal dopo misdì, se fùr no si podeve mètisi, j si fasarin doi circui,
cu lis cjadrèis, scagnùts e bàncjis, une poltròne tal cjantòn cui fruts
tor atòr a sintilis; Soeur Julianne e Soeur Ada.

Parcè che ognune da lis dòs ae veve i siei arguments; o sei – Suor
Giuliana, che saveve ben ancje il Talian, jessint stade a Rome come

Muinie di Clausure;

Suor Ada invecit, ancje Je si rangjàve par Talian, ma de Suor
Irme a la vè cjapàt su ancje tant di Furlan, cussi cui siei devòts ae
faseve un massedòt di trè lenghis e lòr, jù a ridi.

Suor Ada, jessint piçinìne e stàve cussì ben tal mieç di lòr; come une clòcje,
e e veve dispes cualchidun che consolàve o lu faseve ridi – voie o no voie -.

Dividùts i frutìns, cun ancje di plui grancj, sui 12 – 15 agns –
chei plui grancj ai si sintivint responsàbii dai plui pìcui.

Vorès viodi jo, se a nol jere di stàur dongje in chei moments che dut,
dut al jere in forsit: - di no savee se chel Orcolàt al vè finìt la so opare,
s’a si dovève spetà cul cùr in àngules – scjassàdis – gnove pòre simpri
in uàite, e tal stomit un gròp, in specie par fruts e vièi.!

Cussì, lis nestrìs cuatri Muiniùtis, ‘es jerint: - Confuart tant, Caritàt,
Misericordie, amòr pal prossim e, consolazion une vorone!

Mi contàve mè Agne, agns dopo cheste tragjedie, ospite de mè >
>famee e di ches dai miei doi fradis; che a la à ancjemò un biel ricuart
e pinsìr par che biade int che a la vè tancj displasès, corots e
malatiis, par cheste brute cause.

Intant, Soeur Irma, tal 1978 a la dovèt tornà in France a curàsi,
a pene che a Glemone a si scomencèt a fa su di gnùf, e la int a la
cjapà il coragjo e fuarce di mèti a puest, fabrichis, cjasìs e glesiis,
a la vulè tornà a cjase so.

Sepur malàde, si jere fate compagnà da une Consùr, che a la restà
fint a la fin, par compagnàle pal ultum viàç – tal grant Cimitieri di
Glemone cui siei cuasi mìl muarts, che j varèssin fate companie par simpri.
Chest al è un visàsi, vè indiment, cetantis personis che o vin cognossùt,
e che nus àn dàt alc di bon e un biel ricuart, par nò, che par cumò,
ancjemò o restìn ...

“Culì, o finìn!”

Sproc - 40 Agns dal Orcolàt

**X A la Fin dal tirà jù ogni cjosse de CJASE - CJISCJIEL – 1616 di agns in
cà, ai stàn a spià e controlà ancjechel di dongje cjase Buzzi – Sior
cu la cjamèse a quadrèts, il fu Lino Buzzi detto Zicorio, paron dal alberc.**

Z

Chest nus dà confierme che no jè stade dute colpe dal Orcolàt, us parial?

